

АССАЛАМ

www.assalam.ru

НА ДАРГИНСКОМ ЯЗЫКЕ

РУХИЛА ВА БАГЪУДИ ТИНТБИРНИЛА ШАЙЧИБСИ ГАЗЕТА

№1 (102) январь 2008 дус ❁ Муқаррам 1429 ❁ Базли гъачам дарган мезличин дурабулхъуси ❁ Багъа 15 къуруш

РЕДАКТОРЛА КОЛОНКА

Бунагъуназирад дерцес къайгъибирехе...

Пергъиси заманализир цалис гьергъи цали кадиркути какти анцбукъуни, тлабигъятла мусибатуни, шин чедидухъни-ла, мерс дакънила анцбукъуни, азирти адамтала жан къябаибти цархилти вайти анцбукъуни пикри бяхъичхейли датес хедирехе нушани. Аллагълизибад урухълуги адамтани балули саби – ил Къудратла ВеГла лишан биъни, лерилра Мицирдирус бархли гъанбикахъни биъни, гъандуцес гур ахъри агарси закла "Ташдизирая, адапти! Пикридухъеная хлушани се бирулрал! Гелумдизирая!" ибси чяр биъни.

Аллагъ гъимукъили виънила лишанти чехледаэс хейрар: Индонезиялици гъакъибуси зурбаси цунамила ругертани булан "Аллагъ" ибси дев белкун. Илис бикърили детаур зурбаси ругерли гъарасибти ва дехъубти шими, рамчанани къяраибти азирти адапти. Амма заклиз хердиклуги шаладиклуги къуппачилти мижитуну селрахъедиубли ташли калун, мурталра къяйдали. Динничи хебирхутани булан ил тамашала гъяламатли халаси асар бариб ва илди пикрибухъахъун.

Мусибатла анцбукъуни кадирикес гурра даимдиубли сари – Перулизир мерсдакъун, Индиялизир шин чедидухъун, илдигъунти анцбукъуни диуб Европа ла улкназир, Сахалинлизир мерсдакъун, апрельличиб ва майличиб гъаб-уб хебиубси халаси дяхли бариб, илала гьергъи буцардеш лагъбухъун ва дахъал мер-мусаличиб дегъбиуб, буцардешлизибад адапти алхунти анцбукъуни булан диуб – мусибатла анцбукъуни гурра дахъал гъандушес виар.

"Се бетаурли?" – хъарбиубли саби адамтани. Тлабигъятла мусибатунани илди паргъатагарбиахъубли саби, асубиар лебтанилра ил Аллагъ гъимукъилици халбирули хебиэсра, амма паргъатагарбиубли саби. "Нушани дарибти бунагъуни багъандан бируси танбихл ахленара?" или, чуну чузи хъарбиубли саби. Лерилра илди балагъ-къадар дяхъичаибти нуша ташдизахъес ва цахънаб алавчарси тлабигъят къирбирнилизирад гелумдизахъес Аллагъли гьисси бегла гьиргъиси имкан ахленара?

Иш дунъяличиб лебалли халкъани танбихлабарибти анцбукъуни инсаниятла историзир дахъал диубти сари. Ил багъандан дир-галахебулхъан цакъадар историзир диубти гъандикахъахелли.

Ца Аллагълис суждабирахъес сунела халкълици 950 дус жиклули калунсири Нухл идбаг, амма илди иличи лехлахъибти ахленри ва ил багъандан Къудратла ВеГли илдас чумаси танбихл бариб – лебилра дунъя шинниу бикахъиб.

Сунела халкълици Лутл идбагра пасатдешлизибад гелумбизахъес жииклусири, амма иличира халкъ лехъизурти ахленри. Ил багъандан Содом ва Гоморра шагъурти къукъу-рямкъичилти, лямцличилти, заклизирад арцурли дашути къаркъубачилти заблизир, халаси баргбердли ва ванзала духънарад дурадухъунти агъулати газанани ванзаличирад къел-херзи агарли детахъахъибтири. "Нушани илдаци къаркъубала заб дарахъира. Чебаая бунагъкартас ахир сегъуна баклибал" ("Ал-Аграф" сураллизибси 84 ибил аятла мягна).

Гядатлихебиубси тьярли хараббарили агарбарибсири 2000 дус гъалаб Помпея, хлулипила заманала бухънаб шагъар вулкайзибад дурабухъунси цала херкли калпбарибсири ва даимлис къаркъа бетаурсири. Клинайс илаб бигубти адапти баргитири. чеалклуги наслубас чучира се херлил багъахъес лишантили калунти. Ил шагъарлис барибси танбихл бархъси сабри, сенкун Помпея къехлабешлизи илхири. Илизиб хербирути адапти держлира бужурли къехлабешлизира ахълри. Къуръаннизиб хлулипила манзиллизиб алхунтачилара бурили саби: "Агарбарес къасбарибтаци нушани заклизирад гъачамалра малаикунала гъякар хебархъира. Нушани илди ца тламаличилцун къирбарира, ва хера илди беклили, тьял бишунси цаван" ("Ясин" сураллизирти 28-29 ибти аятунала мягна).

»3

ЧЕРЛИДИУБТИ

"Чула балгнала хлурмат хлебирули дехлибала дирутас кахси танбихл бирар!"



Дурхъаси Къуръанна ил аятлизиб Къудратла ВеГли чули дирути дехлибала хлурмат хебирути ва илди заманаличир хедирутачира гелайзи ардихутачира ряхлму-урклеци хедирниличила бурули сай. Къуръанна ил аятла мягна баянбиратани ишкъяйда белгибурули саби: "Вайл – ил жагъаннаблизирти къурдбазибад цала у саби. Лутли агарси, кахси мер саби ил жагъаннаблизибси." Ил аятла мягнали бахъал бусурман адапти пикрибухъахъес гягнит саби. Интернет-сайтанала цализиб дураберклибси ца хъарбаудлизир авал азирличиб имцали адапти бутлакъандеш дариб. Тамри деднила итогунани чебаахъиб:

14 процентли – савлила дехлибала рахлира заманаличир дирули ахлен.

16 процентли – рахли мага сари илди заманаличир дирути.

33 процентли – цацахъели

»2

Номерлизир делченая:

4 ХИЯЖ

5 Дурхъаси ванзаличиб



6 УЧИАННИЧИЛ ИХТИЛАТ

Секъяйда хлурматбируси кабизалагарси нешла?



7 ДУНЪЯЛА МИЖИТУНИ

Самаркандла мижитуну



8 СУАЛАТАС-ЖАВАБТИ



ДУДЕШЛИ СУНЕЛА ДУРХИЯЛИС БЕДИБСИ ГИЯХИСИ БЯРКЪЛИЧИБ ИМЦИАЛИ ДУРХЪАСИ СЕЛРА ЛЕБСИ АХИЕН

СИЯХИ

САГАТИ ХАБУРТИ

РОССИЯЛИЗИР

Москвава правительстволу бусурмантас савгъат хIядурбариб



Гъамсигуна заманала духIнар Москвава мэрйяли Россияла муфтийтала Советлизи Москваллизибси жумягIла мижит гъарзабирнилис ва Олимпиадала проспектилизиб Исламла комплекс лушнилис хасдарибти проектунала документуни дедлуга.

Россияла муфтийтала Советла председател Равиль

Гайнутдинчил гъуниваибхIели, Москвава мэр Юрий Лужковли багъахур жумягIла мижит гъарзабирнила шайчир дурадуркIути хIянчи къалабадарили дирар или. Подрядчикуни белгибарес ва инвестициабала суал бекIбарес саби калунси. "Гур Исламла центрла комплекс лушниличи дехIдихъес имканбикIур. Илизир дехIибала дирути заланицун ахIенну, гостиницабира цархIилти хIяжатти объектунира дирар", – багъахур шагъарла администрацияла бекIли.

Илини бурни хIясибли, илди баркъудлума Россияла бусурмантас дирути савгъатунили дирар.

Равиль Гайнутдинни россияла муфтийтала Советла ва лебилра бусурмантала шайзибад Юрий Лужковлис илгъуна къайгIи дакIубарни багъандан халаси баркалла багъахур. СенкIун жумягIла мижит гъарзабарес чарагарси хIяжатдеш акIубли саби, илизир гъанна бусурмантас булгес къакъали биъни багъандан.

Гъайгъай, илдигъунти баркъ-

удлумани бикъридеш дирули сари Россияла жамигIятла бухIнабси цадеш имцабиубли биънилис, пачалихъра динанира дарх дузули диънилис, чеабиуси наслулис адабла-рухIла шайчибси бяркъ бедлугниличи бяхIчиуиси пикри имцабиубли биънилис.

Чечняла муфтийли Осетияла хIякимти хIяжликъянабас дяхъибти жавабличи битIакIахъес жибариб



ШалгIеббухъунси дуслу декабрьла 12-личив Чесняла муфтий Султан Мирзаев Северная Осетия-Аланиялизиб кабикибси анцIубкIичила хасси багъахъниличил дугъайзур.

Декабрьла 6-личиб Саудовская Гярабиялизи хIяжликъянабачил аркъути автобусуни Северная Осетияла ца шилизир бархIехъла дехIибала дарахъес тIашаибхIели, жагъил адамтала халаси къукъа хIяжликъянабачи чебухъунсири ва илди битибтири. ИлхIели цацабехI хIяжликъянаби дяхъи-хъаслизи бикахъибтири.

Султан Мирзаевли багъахур динна хъулчиличир алкIути къалмакъар чиди-дигара миллатлис дебали хIейгути ва дугали къабулдирути баркъудлума сари или, илала дурадур илди улкала духIнар кадизурти политикала, культурава ва цархIилти шалубачирти аги-къайдалисра урехилати сари.

ХIяжликъянабас иш яргалисра бегIлара децагибси чучи жагъилтала халаси къукъа дехIибала дарес тIашбизурси замана чебухъуни сабри. "Ил-

дигъунти аварали бахъал хIяжликъянабала уркIибциун ахIенри паргъатагардиахъубти, лебилра Чечняла Республикала халкъличира тIягIамагарси асар бариб ил баркъудили", – буриб муфтийли.

Чечентала Республикала бусурмантала духовное управление умутбирхъули саби Северная Осетияла-Аланияла Республикализибси Старый Терек бикIуси шила мякълаб дехIибала дарес тIашбизурти хIяжликъянабачи чебухъунти жагъилтала къачагъдешла баркъудилис къимат бедлугниличи ва илди жавабличи битIикIниличи, илхIелира Россияла законтазибад бархъси гъуни кайсули. Илала дурабад, челякълализир илдигъунти баркъудлума хIедихъести тIахуртира далдучес чебиркур.

Илгъуна мягIнала кагъурти дархъили сари Северная Осетия-Аланияла бекI Т.Д. Мамсуровлици, ил республикала Правительстволу председател Н.А.Хлынцовлици, ил республикала парламентла председател Л.Б. Хабицовачи.

ЧЕРЛИДИУБТИ

"Чула балгнала хIурмат хIебирули дехIибала дирутас кахси танбихI бирар!"

1 «

Бахъли урки гъаргли чули бируси буралри, илди мукIурбикIи азгIинбирули биъниличи, ванаси буруш бархъбатес къиянбулхъули биъниличи. Амма нушаб дугили хIянчилици дукъес яра жявли архIялици дурадухъес хIяжатли биалли, заманаличир адизес дирулра къалли, заманаличир черсаргъулра ва зугIяла бекIбарес бажардидиркулра. Иличиб мягIничебси ахIену гъатIи Къудратла ВегIла хъарбаркъ таманбарес? ИлкIун нушачи гымургар кадизахъурти тIахIаркъайда таманхIедирахIелли. Илкъайдали нуша начальниклизирад урухIути сарли урдулхъулра, амма Аллагълизирад гъатIира имциали урухIкIес чебси биъниличила хъумуртулра. Аллагъли саригу нушаб гIямру гIбти иш дунъяличир хIердиахъес. Илини саригу нушаб лерилра имканти гIбти. Къуръаннизиб бурули саби: "Эгер хIуша Аллагъли гIбти лигIматуни дуйгIес дехIдихъадалли, лугIиличирад чердулхъада, сенкIун илди илцадра дахъал сари".

Даширая пикридулхъехIену, илкъайда гъамдирули гIергъи савлила дехIибала дирниличи, гъарли-марли дигахъулрара нушаб Аллагъ? Ил вигъахъулра

дикIули хъалли. Селисалра гъалаб, даширая нушани нушачи хъарбиэхIену, нушаб дигусиличил гъунидаэс сен къандирутирал, ил бирули гIергъи, нушаб ил дигахъулра дикIниличи чи вирхаруси? Сен иличил гъунидаэс къандирутира, сен гъунибаъни гIелайзи арбихутира, сен ил барес азгIиндирутира? НушакIун иличилси гъунибаъниличи карцIтили ва илала гъалар мутIигIтили диэс гIягIнитира, ил гъунибаъниличи нушаб разидеш булан бихес гIягIниса саби. Савлила дехIибала – Къудратла ВегIличил гъунидаъни хIебиалли, гIур илди се сари? Гъарилли аргъес гIягIнибиркур савлила дехIибала заманаличир хIедарни Къудратла ВегIличил секъайда гъунидиулрал белгибируси шартI биъни. Савлила дехIибала уркалухъунси бусурман секъайда вирусинаб Аллагъ дигахъулра викIес? ДехIибала дарес разили хIейалли, ил Аллагъ дигахъулра викIес хIейрар. Марлирагу, шел сягIятра хIябциали минутра дикIибхIели айзес илцадра къиянсив? Шел-вецIал минут саригу хIяжатдиркути савлила дехIибала дарес багъандан, илхIеликIун нуша Къудратла ВегIличи дугъадизес дирулра. ДехIибайзив ил нушани чевяхIвирулра, илис дезадикIулра, илини нушаб гIбти лигIма-

туни багъандан баркалла дикIулра. Къудратла ВегI Аллагъ Къуръаннизив викIули сай: "Эй хIуша, динничи дирхути, Исламла дазурбала духIнар таманни дирая". Ил аятла мягIна Къуръан иргъахъантани ишкъайда баянбирули саби: "Ислам илала лерилра тIахIар-къайдаличил ва къанунтачил къабулбарая".

Бану Исраилла халкълици Аллагъ гъимукибси сай динни кадизахъурти тIахIар-къайдализирад чус къабулдикибтигъунти къабулдарили, цархIилти къабулдарес разихIебикибхIели. "ХIуша сегъунти дирхути дирутира дурхъаси жузла ца бутIа марбирули, цархIил бутIализирад гIелумдилзухIели?" – викIули сай Къудратла ВегI.

Савлила дехIибала дирниличи авараагарли гъамбирути адамтала баркъуди къиматлабирухIели, МухIаммад идбагли илди кIибяхIянти саби ва илдани чула кIибяхIяндеш дигIяндирули ахIен или бурусири. СейкIуси жамигIятличил бархIяра сабицун декларли бекIли хIебулгутачила? "КIибяхIянтас дугила ва савлила дехIибалайчир къиянти агара. Амма илдани илди дехIибала дарни багъандан чус дирути гIяхIдешуначила балуси биалри, къукъубачиб

хъусли башули бакIесли хъалли, илди дехIибала хIедарили хIебуу", – бурили саби хIядислизиб.

Аллагъла Расулли илкъайдали бурибсири: "Черлидиубти дехIибала хIедирутазибад Къудратла ВегI Аллагъ гIелумилзули сай". "Къас-къасли дехIибала уркатмавлахъид, – бурули саби цархIил хIядислизиб. – Къас-къасли дехIибала заманаличир хIедируси Аллагъла ва илала Вакилла хIерудилизибад мяхIрумварили вирар".

Ишди тугъи делчIунси гъариллизиб ихтияр леб сунени сунези хъарбаэс: азгIиндеш багъандан ва низамлици бурсихIейни багъандан Аллагъла уркIецилизивад ухъес асубирау гъатли наб? Сунела хъарбаркъ таманхIебарни багъандан ИлиникIун ну танбихI хIебарили хIелтара. Савлила дехIибала дирниличи авараагардешличил гъамирилизибад гIелумизахъес икъаладирути тIахIар-къайдаличила "Исламла цивилизация" бикIуси журнализиб чебетахъили буриб. Нушани илар маслигIятдирути секIал дирахъес нушала газета бучIантира жибирулра, ил барибтани чули бирусилис бархъси къимат бедлугниличира дирхулра. Илди насихIятуни ишдигъунти сари:

– Будильник савли дехIиба-

ла дарес гъалаб зянкъбухъесли кабаты;

– хIела гIямрулизиб дехIибай бурцуси мер белгибара, дирути-далмути белгидирухIели, бегI гъалаб дехIибайс мер декларбирен, цархIилти мурадунас ахIи;

– жявливан калхъес бурсиви ва савлила дехIибала дарилли гIергъи халаси гIямалагардеш акIубхIели ахIенси ганкI ихъес даиммайруд, ил замана Къудратла ВегI сунела лугърачи къакъаикIуси замана саби;

– узиличил, унрачил, гъалмагъличил савлила дехIибала дарес чевиргъахъес вягIдалави, хIунира илди дехIибала дарес чебиргъахъи, кери биурну;

– усес кайхъес гъалав гъаман Аллагъличи дугъаилзен, илкъайда бирусии нушала Идбаглира, савлила дехIибайчи чевиргъахъес;

– уркалахъунти дехIибала багъандан пашмани, тавбадара ва хIешиб гIяйиб лебни аргъа.

Къудратла ВегIли нуша Сай вигути детаахъаба, нушала баркъудлумазир ва пикрумазир бархъси гъуйчирад даштули детаахъаба.

Лерилра гIяхIдешуни Аллагълизирад сари, вайдешуни – шайтIазирад. Къудратла ВегI икъалавиаб нушаб дехIибала заманачир диранти детаахъес.

ЧИНИ СУНЕЛА ДУРХИЯ БУНАГЪУНИ ДИРАХЪЕС БУРСИВАРАЛЛИРА, ДУРХИЯЛИ БАРИБСИ ГЪАРИЛ БУНАГЪЛИЧИЛ БАРХ ИЛИСРА БУНАГЪ БЕЛКИИ БИРАР

РЕДАКТОРЛА КОЛОНКА

Бунагъуназирад дерцес къайгъибирехле...

144

Вайдешуни, зулмурти, узини узини каршуту даяти, къачагъдеш, хиллурти, хъям-къац, къехбадеш ва цархилти далагардешуни – илди сари ишбархли нушала гъамта агуладироти душмантани. Ил гъуйчи кабиртуртани саби ишбархли ванза жагъаннабличи шурбухъахъунси. Илди секлал цархилти планетабачир ахлен кабиркути, цархилти улкназир ахлен, нушазивад гъарилла мякълар сари, нушала къакъурбазир сари, нушала унраличирти юртаназир сари, нушала гъамтала хъалибаргуназир сари. "дила юртшила дублаб саби" или хлеркадирути нуша илди далагардешуначил баришкадиублира. илдаци авараагарли хлердиклулра. Илди чехледаэс багъандан страусливан бурги гъумлизи дигъандирулра. Бурсикадиэс асухлебирути секлайчи бурсикадирулра: адамти кабуршниличичи, зулмукардешличичи, къаркъдешличичи, пасаддешличичи, бурсикадирулра нушала гъанкI бемцахъес хляжатти секлайчи булан, илди далагардешуначи къаршили дурадулхъули ахленрану, селалра авара агарли хлеркадирес даимдиублира. Халаси барахлелли, вегIра вегIла хъалибарггра мяхкамдарес къайгънадирниличирлициу таманкадирулра. Цархилван буралли, нясдешунала беклилизир умули хлердиэс гъазализи кадерхурлира. Илди нясдешуназир гъанддикес дирнила урехи аклубхелера я хлулби, я мухли абхъес дирули ахленра. Илди нушачирад цархилли урисути хледиъниличичи пикридулхъули ахленра. Лякъян бархли, илдигъунти детаъни багъандан нушала дурхнас булан танбихI бирусичи. Бунагъ гъачамлис се сабил хлебалуту биштIлати булан танбихIла барили бирар. Иличила Къуръаннизиб аргъесли бурили саби: **"УрухкIеная хлушазивад гъайибла бегIти ахлентасра бирусичи танбихIлизирад. Ва багъарая танбихIлуни дирес Аллагъ цаакъси сай!"** ("Ал-Анфал" сурализибси 25 ибил аятла мягIна).

Кадиркути такъсиртачила баянти дучлухлелли кахирулри, гъамтазирад ва таянуназирад хабурти иргъухлелли уркулхъулри. Кадиркути такъсиртани кахирахъулри: бегIтачибад букъурли калунси юрт бутлес хлебиубли узини узини каршули сай, арц багъандан уршили дудеш каршули сай, мургъи багъандан рузили рузи агуларилури сари,



уршила рурсили хала неш карушахъес такъсирчиби лебкули сари, илини сари арикъурси риъниличичи хлерхлеили. Арц дигIес урхIла юртлизи хълки барес ухIнавхъунси студентли илар раргибси рухъначи урклеци бирули ахлен – карушули сай, бикъри кахлелахъес или. Саунализи вякъунхлелли цали илар сунела рузи карушули сай, ила вашуси сайра бунагъкар виъниличичи хлерхлеили. Ил сайра рузиличивра хляжар виъни иргъули ахлен. Чили сайри ил къехIбаханализи кибси? КъехIбаханализир раргибси рурси мобилниклизибси камераличил видеофильмлизичи риркахъули сай ва гIур бегIтала гъалар пужрирури или, илизирад арц тIалабдирули сай. Вузанала мякълар лохотронти ибхъули сари ва студентунала стипендия кебусули саби. ХIязла автоматунани хъашнициу ахленну, гIямру дерклибти адамти булан мехIурбирахъули саби. Садакъалис яра гIялбаркъла баркъудлуми дурадуркIуси замана, музавхъи ила арц дедлугуси адам къехIбаханала хужаимли увулхъули сай. Дугурбазиб ва дай хлерили къехIбуни арцлис бирцули, ресторантазиб хлербирути адамти булгес башули саби. Ишар гъатIира дахъал кахти мисалти кес вирар. адамти жаниварти бетаурли таманбирули саби. Дагъри агарти мицирагIлира дирули ахлен илдани дирути абдал авара. Адамтазирти адаб-хIяя къалабали детихъули сари, рухIла дунъя илцадра саябиубли саби.

Чи сая гъайибла вегI нушала

гIямру илдигъунти детаънилис? Дашира нушала гъалар нуша камсилра умули калес къасбирехлену: гъайибла дегIти нуша сарра. ХъалибаргIара жамигIятлара гъаларти чула чеблуми таманхледирути мурул адамтира, чеабиуси наслулиб бяркъ бедлугни чула беклибиубси чебла сабкъира, иличила хъумуртути хъунул адамтира саби. Дашира нушани нушази хъарбиэхлену: чихъали саби шагъурти даргианти, гумурби даргианти, поездуни ва самолетунни даргианти, дихъалис адамти бурцанти-билгIанти, Исламла гIела дигIанбикили такъсирти дурадуркIути, чучиб сегъуналра гъайиб агарти дурхIнира

узби, нушала дурхIни? Нушала хлебиалли, чила саби илди? Илди Аллагълизибад уружIути нешана баркъибти ва абикурти саби диклулрав хлуша? Хлебиалли нушани се-сабил гIягIниситяхIярли бирули ахленра, ургIебли бирулра. ГIе, нушани, илда бегIтани селра барсбахъес хледируси замана бакIили саби. Нушани хъумартурлира ванзаличир кабиркути анцIбукъуни багъандан нушани Аллагъла гъалар жавабкардеш дихути дийниличила!

ДурхIнанера, анхъливан, къуллукъ тIалаббируси саби. Хъушинни иркуси саби, заралчиби агардирути сари, арцIилизибад ирцIуси саби. Ил хлебаралли са-

Вайдешуни, зулмурти, узини узини каршуту даяти, къачагъдеш, хиллурти, хъям-къац, къехбадеш ва цархилти далагардешуни – илди сари ишбархли нушала гIямру агуладироти душмантани. Ил гъуйчи кабиртуртани саби ишбархли ванза жагъаннабличи шурбухъахъунси.

бухънабира кабуршанти? Арц багъандан багъалис адамти кабуршанти чихъали саби? Чули кабушибти гъайиб агарти адмтала дурхIни цIуръабирниличичи ва хъунри гамъабирниличичи пикрихлебулхъути чихъали саби? Арц багъандан ламус-хIяя дирцути чихъали саби? Вагонтадли билгIанти чихъали саби? Илди ахлену нушала муйли, нушала

бухъ хIякъян. Илдигъунти саби нушала дурхIнира. КъацIла бутIа баргес гъазализи кадерхурли, нушани дурхIнас замана харжбирес дирули ахленра. Нушала хлулбала гъалаб нушала дурхIни заябирули саби, нушани илдаци гIур асарбарес дирули ахленра. Бяркъ ца бархIили бедес вирусичи ахлен. Замана арбякъи гIергъи се-биалра барсбахъес дебалли

къиянса саби. Илис мисалти нушала хлулбала гъалар сари. Нушала дурхIни гIягIти бетаънициуна баибси ахлен, нушачи жамигIятла гъалар хъардикутира гIягIцад чеблуми лерти сари. Нуша лерилра адамти сарра, лебтазиралра цадехI хли сари, ил багъандан цаличи баклибси балагъла дукала итилличира къачхлебики кавлуси ахлен. Нуша дубурла бекличи абацIес балбизурти альпинистуниван сарра – цализи ца дигъира. Ца увягIикалли, илис гIеларад лерилра аркутира. Ил багъандан цали итиллис кумекбирес чебиркур. Нушазивад гъарилли се-биалра барес вирар, лебтанилра ил аргъахлелли, нушала баркъуди халабиур, цаакъси бетарар. Лебу нашала ургаб цIуръабиубти чула тухумла дурхIнас кумекличи музавухъес бирути? Гъайгъай, леб. Сен музахлебулхъути? Авараагархлелли! Унралис кумекбарес вирару? Нуша бусурманти дихахлелли, узбиван ва рузбиван хлердирес гIягIнитира, ил барахъес жидирулра нуша динни.

Ишбархли лерилра далагардешуни законтачициу хъарихъули урдизахъес хлейрар. Хлейрар, сенкIун илди законтира дузули ахлен. Адамтазирти авараагардешлис ахир кабихъайчи селра барсхлебирар, ил барес ца бархIили хлейрар, амма някъби даткаили, лехIкахъили дуэсра асухлебирар. Нуша дубла дубличи детаилра, ца ганз – абикиб анцIбукъ!

Цархил шайчибад – нушала гъала тIашбизурси мурад сархес виэсера саби. Гъанбиркуру, Совет хлукуматла замана Майла яра цархил байрамлис шагъар нясдешуназибад умубарес хIяжаткибихлелли, лерилра цахIнар билхъаличи дурадулхъули? Гъарилли сунела юрт-алавси мер умубирули вири, хIянчила мерличиб умудеш бири, дурабухъи къакъурбази шинишдешлис галгуби, къадуби, вавни удалти, нясдунала беклици цали игули дирира. ГIергъила бархли тамашадирути илгъуна умудеш чебухлелли. Леву ишбархли ил барахъес нуша хледалтуси?!

Дирехлев нуша бегIла дубличи детаибхлелли тIашдизес, балагъла гъуйчирад дашнилизирад гIелумдизес? Аллагъли булан нуша махдарилра, гIелумдизахъес, асухледирути аваралис ахир кабихъахъес. Нушаб илини танбихI барес вирнира гъанна аргIилра. Ишбархли нуша, биклуливан, "КъайгIути уцахъни – саби къайгIутала баркъуди саби" ибси тяхIярличир сарра...

Даширая илала черкад гъарил декIарли ва лерилра цахIнар пикридулхъехлену. Дишара нуша дерцес? Умудизес ва нушачивад Аллагъ чевверхахъес цаакъ абиуру нушала? ИлкIун ряхIму-урклецила вегI сай. Къудратла ВегI икъалавиаб нушаб ил мурад сархахъес!

АЛЛАГЪЛИС КЪУЛЛУКЪБИРНИЛА БЕГЛАРА ГЪАМАДСИ ЖУРА – ИЛ ЛЕХИКАХЪИЛИ УЪНИ ВА ХИЯЙЗИВ
МАЛХИЯМСИ ВИЪНИ САБИ

ХИЯЙЗИВ

ХИЯЖ

Бисмиллагъи рряхлманир ряхлим!
Гякълукар, чевсаргъи, хлулби абхъа,
Къудратла Веґлис къуллукъбара.
Гъар бархли шуйна хлуни дирен
Дехлибала, Рамазан базлизив дубурцен.
Ахъри лебу - буртлен закат.
Къудратла Веґлис къуллукъбара.
Бархли лябкъян - хлу сукъурируд.
Хлебикъуси ветаруд, илбагъандан
Мабуркид замана дугли –
Къудратла Веґ Аллагълис къуллукъбара...

Багъдадлизиwadси Халид

Патимат ВЯХИДОВА

редактор

p-vahidova@mail.ru

Аллагъла Расулла ﷺ хиядслизиб бурили саби Исламла шел хулчи лерти сари или.

Цаибил – шагъадат саби, ца Аллагъ ахленси агни ва Мухларап Илала вакил виъни марбарни.

Киибил – гъар бархли шудехл дехлибала дирни.

Хиябъибил – закат лугни.

Авъибил – Рабазан базлизив дубурци.

Шуибил – ахърибаклалли хияж барни.

Гяраб мезлизиб "хияж" ибси девли чевяхлварисиличи укъес халаси къас лебни иргъахъуси саби.

Хияж – Маккализе зиярат дураберкни – Исламла шел хулчилизибад ца саби. Къудратла Веґ Аллагъли иб: "Ахъри лебсилчиб чебси саби хияж барес. Чи-биалра гелумизалли, Къудратла Веґ давлачевси сай ва ишди мусни-зубрачи илала хияжатдеш лебси ахлен!"

Ибрагъим идбагли (г.с.) сунела урши Исмягилличил (г.с.) Кягбала юрт тлашбатурли балкъаахъурхели, Къудратла Веґли иличи хъарбариб хияж барахъес адамти жибирахъес: "Хлуни адамтази хияжла хлекълизиб багъахъи, илди гъар мерличибад музабулхан".

Ибрагъим идбагли (г.с.) Къудратла Веґ Аллагъли хъарбаиб: "Ва, дила Аллагъ! Нуни адамтази хияжличила секъяйда багъахъиша, дила тламаклун илдачи хлебиур".

Аллагъли жаваб бедиб: "Хлуни багъахъи (хияжличила). Нушани хела жи адамтачи би-ахъехле".

Лебилра дунъяличибад хияжликъянаби Дурхъаси Ванзаличи музабулхан, Ибрагъим идбагла жи аргъили.

Мухларап идбагли (с.г.в.с.) Къудратла Веґли Къуръан бархъниличила багъахъурхели, илала дурхъати аятуназиб ва Мухларап идбагла (с.г.в.с.) гилмулизиб хияжла къадри чебетаахъили баянбариб, ил дурабуркнила гядатуни гъунчи-дикиб.

Динна гямуриличила дахъл

жузи лер, чузибра нушаб хала бегтани секъяйда хияж бирусил бурути. Нушанира чула гъуни буцахъес маслигътибирутани дурути аргъира. Амма гямурилизир нуша илдазирад дебели деклардулхула ва нуша илдачи мешудикесра къайгъилизир ахленра!

Хияж бирниличе хияжатдеш уббирхъуси адам хлебирхутала луглизи каркули сай, имкан лебсиле хияж бирни гелайзи архуси ахлен, сенклун илис гур илгъуна имкан хлебиэс асубирар.

Хияжли муъмин адамла уркли ва рухл умудирахъути сари. Хияжла гядатунала халаси мягна лебси саби, илини Къудратла Веґлис муклурли виъни иргъахъуси саби.

Гяйшат ﷺ гъачам Идбагличи дугъаризур: "Ва Аллагъла Расул, хъунул адамтачи гъазават хъарсив?". Илини жаваб бедиб: "Хъарси саби, амма дургъби агарси... – Хияж ва Гумра". Хияж барес дирути харжани хиялалси бузериличил сархибти



дизс гягнитни сари, сенклун Къудратла Веґ умуси сай ва илини умутицун саби къабулбурути.

Исламла динни чеббирахъуси хияж дураберклес хулхейкласи бусурман адам левли хлергар.

Нуни Аллагълис халаси де-за балахъула хияж барахъес наб имкан гини багъандан. Нуни Дагъистайзибад урчлемал азир хияжликъяналичил барх

Маккализе дурхъаси архя дураберкнира. Бархли бурасли, ну хулриклуси ахленри Маккализе ва цархилти Дурхъати мераначи архя дураберклес биркур или. Дила урклизибси, дила рухлизибси разиси хиял дила муруй хияж барахъес наб пурбанбарибхели! Ил дила гямурилизиб беглара разиси бархли сабри. Ну ил барес хулрухъунра хияж барахъес имкан багъарбиубси бархиличирад рехрихъили. Ну риш-тахлейчирад диннизир сарра. Дила хала бегтира бирхути ва балга-дугля дирути адамти сабри. Дила неш рулгхелера ну иличи пикриличил херриклира. Дудеш партийный сайри, амма илини кабинетлизи чебавиубли дехлибала дирути вири. Итхели динна гядатуни дузахъес балтули ахленри. Хияжличила къалли хулбиклесра бирути ахленри.

Гужли чизилра селра барахъес хейрар. Гъарил адамла Аллагъличи бирхауди урклизиб биэс гягнитни саби.

Нушала замана хияжбарес къяянни ахлен, гъаларти замунтазибван. Гъанна сегъуна-дигара транспортличил Маккализе ваэс вирули сай. Ишхелла транспортла журабани зиярат дураберклес гъамадбиахъубли саби.

Сархибдешличи аркъуси гъуни биалли веґла къас Ал-

Дурхъаси



саял хиялумцули сай, гъар тяхярли: Аллагълис мардешлизиб, сабурлизиб, хиялалдешлизиб, къаслизиб, Аллагълис мутлигдешлизиб ва Илини чебаахъибси гъуникад вашес хиядурли виънилизив. Хияжли адамти рангличи, миллатличи, гямура даражаличи херхлеили, лебилра цагъунти бетарахъули саби.

Гядатли бетаурли саби хияжликъянаби гъунибалтни ва илдас чарбулхъухели гъунибиъни. Узи-урши, гъамти, шанти хияжликъянаби гъунибатес дурабулхъули саби-илцадра асарбирули саби, илхели хулбазирад дурадулхъути разидешла нургъби тлашаэс вирули ахлен.

Гъуниватес дурабулхъунтани хияжли аркъутази тиладибирули саби дурхъати мераначир чула бунагъ-хатла урдуцахъес балга-дугля дарахъес.

Хияжлизибад чарбулхъутас чула гъамти, шанти разили гъунибиули саби, илдачиклун илди гъар бархли пикрибиклули калунтири. Гъуйчиб бамсурли биъниличе херхлеили, хияжликъянабас дахъл суалтас жавабти лугес чевкъули бирар.

Ну хияжли гъунирралтухели, дила балликъянабани набзи тиладибарисире дурхъати мермусаличила белклани дарахъес. Гъар дус цацабехл адамтани хияжликъянабас кадизахъурти тяхяр-къяйда дуунтачила гъай авдули дирар. Илдас илдигъунти анцбукуначилара багъес дигулри.

Архяличи дураулхъухели, нуни лебтазибадалра набчиб чебкберхахъес тиладибарира.

Дазалара дариле, хулирад дураулхъухели, клел ракаглатла дехлибала дарира. Аллагълизи архяли аркъуси гъуни гъамдси бетаахъес тиладибарира. Дила хъалибарг мяхкамбарахъес тиладибарира.

Нушала къукайлизиб дахъл

миллатунала вакилти лебри: кларахъанти дарганти, булугуни, къумукълантани. Аркъутира автобусличир сарри. Нушала руководитель ва шофер сайри илис гъалавра веґну царайна хияжли вякъунси Гъазиев Мяхъиммад. Илини гъундури гяхил далулри, тлашдилзутира мижитунала мякълар сарри, сенклун илар нушаб дулгес гяхити имканти лерри. Ил чекайзурири гъарил хияжликъянаб балга-дуглялис гяхити шуртлри глердудес, илини хияж ва глумра дурадурклутала чеблумира ункъли далулри.

...Мадинализибад гъарахъли ахли мерлабиубси Микатлизи даира, илаб саби ихрам челгъуси – хияж бирутас хасдарибти палтар. Дагъиста хияжликъянаби ишабси "Зул-Хулайфатлизиб" саби хияж бирес бехлбирхути. Ил мерлис "Абару Гялира" биклулри.

Хияжликъянаби, Гярафатлизи букъес гъалаб Маккализе лябкъути саби ва илаб Тавафуль-Къудум бирусил саби Дурхъаси мижитлизиб. Ил Кягбала верхна алавири саби – Дурхъаси ванзаличи вакнила хурматлис. Нушанира ил барра. Зул-Хияжжала 8 ибил бархли дугили 3 сягъат диркуси замана Минала къярдлизидяхл датдихъира ва илар шала шикъдухъайчи калунра. Урчлемъибил бархли биалли, савлила дехлибалара дариле, берхли гъабаклайчи херли кадиле, Гярафат дубураличибси къярдлизе ардякъунра.

Ахъри лебти адамтани хияжликъянабас садакъа сарливан буцардешлизибад мяхкамдеш барахъес чяртири лугулри (ишдус къалли илаб илгъуна халаси буцардешра аги). Цъедеш ва овошуну дуртлулри... искусствено заб булан дарахъиб.

Берхли гелабикхели нуша Муздалифличи ардякъунра.

ХИЯЖ

Ванзаличиб

Илаб дуги берклира – ил хияжла чарагарси бутла саби. Машар – ул Хиярам дубурла хьарличир балга-дуглядарира. Муздалифличир нушани игъес къаркъуби дучира, къурбан лугъуси баркли "Жумратул Акъабатлис" игъес баъндан. Нушазивад гъарилли хьарала къякъгунти верхичали къаркъа хиясибли дучиб. Зул-Хижджала вецличир савли нуша Мина къярдла дубла даклира, илаб саби беклибиубси тлал тлалши. Цаибил баркли цаибил тлайзи верхл-верхлел къаркъа игъубра. Гелар калунти бурхназир хиябалра тлайзи гъар баркли верхлел хиясибли яргали къаркъуби иргъутири ва гъархлели ирусире: "Бисмиллагъ, Аллагу Акбар". Къаркъуби иргъуси замана нуша клиибил ва хиябьибил тлайзи къаркъуби игъубхлели Маккала шайчи ласдулхъутири ва Аллаглизи урклеци барахъес дулгутири. Гъарил тлайс гьергъи балга-дугляра дирутири. Къурбан байрамлис гьергъи нушани хиябал баркли (ташрикьла бурхлини) Минала къярдлизир дерклира.

Минализирад чардухъунхлели Кягьба-алав беклибиубси ави барира. Кягьба-алав верхна ласулхъулели хияжликъяна дазайзив виес гягъиса сай. Гъар алавирухлели хаста балгни дучути сари. Ил замана алаварчари хериклес асубируси ахлен, чянкли Къудратла Вегличилацун пикрииклуси сай ва илала чевяхлешличила. Кягьба верхна алаварили гьергъи, балга бируси саби ва "Зам-замла" гинизла дурхъати шин дужути сари. Гур Сафала ва Марвала музурбала урвад верхна лагра катхлелра аркъуси сай. Дашес ас-Сафаличирад дехлехъира ва ал-Марваличир тамандиубра. Ил барнилис "Сягъю" биклулри.

Гумра беклибхъес баъндан нуша Гяйшала (Аллагъ разиваб сунечи) мижит лебси мерличир ардякъунра. Гумраличи гьаладирхъути тлалабунира хияжличигунти сари. Чянкли къаркъуби иргъни халхлебарили.

Гумра таманбиубхлели, ардукъес гьалар нуша Кягьба-алав аркъянайла мява барес – "Тавафул Вадаъ" барес – верхна Кягьба алаварбарес дякъунра. Ил барили гьергъи нуша Идбагла шагарлизи – Минализир ардякъунра, Идбагла мижитра хиябра чедаэс баъндан.

Идбагла хиябличир зиярат бирни дебали мягъничебси суннат саби ва нуша Аллагличи гьамдирахъути баркъудлумазибад гягъисагуна саби. Таманти дазала дирути сари, умутти пал-

тар челгъути сари ва мисклаирусиса сай.

Адабличил, муклулри, хьурали укъяхъес маслигътибиса саби. Хиябличир гьамдиубли нушани клел ракаглатла дехибала дарира. Пашагарли Идбаглис салаватун дуршира. Балуй шайчиб байхъу ганзла мерличиб Абу-Бакар асхлябла хияб саби, гурра байхъала ганзла мерличиб-Гумарла. Хияжликъянабани илди чебяхти халифунала хурматбирули саби.

Куба мижитлизир дякъунра. Маккализивад Минализир гечиубхлейчибад Идбаглис ташбатурси цаибил мижит сабри ил. Нушани илизир дехибала дарира ва балгни делчлунра. Гур Ал-Къиблатайн (клел къиблаличил мижит) мижитлизи дякъунра. Ил мижитлизир сари Аллагу Расулли Зуэр балга белчлунси, клел ракаглатла дехибала дарили, илхлели сабри илини Аллагу хьарбаркъ аргъиса, сунезибра Маккализибси Дурхъаси Мижитличивяхл шуряхъяхъес хьарбариса.

Бакиъ хиябзира дякъунра. Халиф Пусманра Идбагла цархилти икьалачира илаб саби хиярибихьибти. Илди хиябрази хиярибихьили саби вецлал азир асхляб, ил лугилизир нушала имам Шамилра.

Идбагла адамти капуртачил бургули калунси Ухудла дубурличира дякъунра. Илаб хиярихьили сай Идбагла дудешла узи Хиямзат.

Хияжла замана дурхъати мераначи дашухлели нуша гягъити баркъудлуми дурадерклес къайгъилизир сарри. Нушазирад кадикибти бунагуначи пашмандиубра. Сабурбирес бурсидиубра. Аллаглизирад гьаттира урухлутти детаурра. Иш дунъличирти секла къадрилла камдеш аргъира ахират халбарибхлели. Бахъалгунти сахаватбиуб, чула хиялани чедиахъули ахленри, жаланази ихъуси аги.

Гягъитира вайтира шалуби нушала тлалитлизир мурталра лерти сари. Гягъити адамтани гягъитицун хиялани дагъардулхъахъули саби, вайтани – вайти. Хияжли урки ва рухл излумазирад умудирахъули сари. Нушазивад бахъли чули дарибти хатлаби аргъиб, илдани пашманбиуб. Хияжлара Гумралара замана набчил бархтала вяшатлалара цагунти ахленри.

Лебри урухбуубти, уркилабухъунти, амма лебри гягъидеш бирниличир хьулбиклутира, лебри хъули хьулбиклутира... Амма имцатигъунти адамти лебилра замана зикрулизиб сабри, илдани Ал-

лагъ хьумуртули ахленри, илди мурталра булгулри.

Набчил рарх лерси Мяхлякъалализирадси 75 дус риубси Сакинатли верхнайс хияж бирулри. Къаякентла районнизивадти 70 дус риубси Патимат ва 84 дус риубси Хаджат, Каспийсклизирадси Загъра – 75 дус, Тляралара районна Гведишла шилизирадси Раисат 70 дусла гямурула хьунул адам сарри, Дахадаевла районна Хьярбукла шилизирадси Гяшура 65 дус риублири, Ахъушала районнизирадси Патимат, Унцукулла районни-



зирадси Шарипат. Илдала хьулбазирад нургъби гердиклулри, илдани селра чебиули ахленри ва селра иргъули ахленри. Илдала лерилра пикруми хияжличила сари.

Адамтала рухл умудирлури. Аллаглизирад урухлутти хияжликъянабани илчилла ункъли балуси саби. Дагъистайзибад зияратли бякъунтачила дахъал гъай дирар илди рухл умудиахъес ахленну, вачар-чакар дузахъес башути саби ибти, чус давла сархес баъндан башути саби биклули бирар. Гъайгъай, хияжликъянас илдигунти аварализив виркъес асухлебирар. Чебаира нуни илдигунти хьунул адамтира. Илди вачуртази бархилри ва цархилти къуллукъуни дарес илдала замана кавлули ахленри. Дехлибайчи жибирули азан зайбухъунхлелира илдани вачурти тлашули ахленри. Гурра бурули саби цацабехитани чула имканти ва ахъри чедаахъес баъндан, нуша ишдигунти сарра биклес баънданра хияж бирули саби или. Илра вайси саби. Хияж бирни модаличи шурбухъахъес асухлебирар.

Бусурман хьунул адам цархилтазирад бухнабси умудешличил декларулхъуси сари, кабизалачердеш сари иличи

хаста. Илдигунти къиликъунани сари хьунул адам Аллагула гуйчирад рикуси. Имцати авара иличи далдикили хлелдирар.

Идбагли (с.г.в.с) иб: "Эгер хьунул адам гъар баркли шудехл дехибала дирули, Рабазан базлизир дубурцули калун риалли ва илини сунела кабизала-чебдешра бихлули, сунела муруйчира лехирхъули калун риалли, къямалла баркли илизи иру: "Алжайзи хлел дигути къапулизирад араци".

Хияж бируси саби Аллагличи гъамиз къасличилцун, илини хлел гягъиса биру или хьуликлули.

Гъайгъай, чилра хатлабазивадра гъарацдешуназивадра таманни мяхкамвариса ахлен, бунаглизи викесра асубирар, амма Дурхъаси Ванзаличир – Маккализив дебали мяхкамли

назибад ца таманбарахъес, имкан бедили. Секъайдали адамта вегличила вайси бурахъес гъуни бедес асубируси илгъуна дурхъаси архияличивси адамти! Ил вяшклес гягъиса сай сунезивад баракат ва шапаглат башлесли.

Нуша бусурманти Аллагули нушала дин хиясибти узби-рузбира гягъиса агиличир чебиэсли аклахъубтира, имцати аварализирад гъарахъли дуэсли аклахъубтира. Нушачи дурхъаси архияличирхлели руководителличир лехирхъесра чебиркур, илхлели нушазивад хатлара кахлебиркур...

Гярабуни дазуагарли сахаватти сабри. Илдани хияжликъянабас сецад секлал дуртулри... Хаслара садакъа сарлин дахъал лугулри чумиздагуни. Илди дебали тухъти сари, къацла мер булан бурцули саби илдани. Илди дахъал сортанала къаршидиркули сари. Нушанира илди иштхлечил дукира, илдани лухъахъулицун ахленну, адамлис сагати цакъанира лугулри. Бусурмантани чумиздагуни дурхъати секлайзи халдирулри. "Зам-замла" гинизла шиннис гьергъи бусурмантас дурхъати чумиздагуни сари. Чумиздагуни Дурхъаси Къуръаннизирра гъандушили сари.

Нушаб хурегуначилти паке-тунира дихи. Илдазир ниъ, буклуси бехлцари, чумал жура-ла цедешла шин лерри. Наб тамашабизур клел-хлябал баркли хияжликъянаби багъа агарли къацли балхни. Нушаклун илар дахъал лерри. "Матгел валхуси столовая" или урус мезли булан белкли чебаира. Имцаливан ила башути дагъистанланти сабри.

Зияратли бякъунти тлалшбилзути мераначир буцларси бархилизирбад уцахъути бурхани сари. Хаста лишанти даршилри къакъурбази, хияжликъянабас илдазирбад башахъес ва саби хлербиса мерличир чарбулхъес гъамадли биахъес баъндан.

Хаси пикри бяхичиулри хияжликъянабас медицинала шайчибси къуллукъ гьабурцниличир. Автомашинабачиб арадеш балтахънила Министерствола хиянчизарти башулри. Илдани адамтас багъа агарли хияжатти дармунти дуртулри.

Хияж барили гьергъи дила рухл дебали паргъатдиуб, хамхализиб тамашала кункдеш багъарбиуб. Гъайгъай, архияличир ну рамсурра, амма ил рамснили наб разидешцун хиб. Гъунчир нуша къяндешуначира дяхлигули калунра. Амма гъар секлал чекасес вирулри дурхъаси архия дурабурклуси замана. Ну Аллаглизирад гьаттира имцали урухлуси ретаурра, гъарил дев пикрирухъи бурулра, гъарил ганз кацлес гьалара илала асурти сегъунти дирара ибси пикри башар...

ГЪАР СЕКІАЙЧИРАД МЯРЖ УРДИЛЗАХЪУТИ СЕКІАЛ ЛЕРТИ САРИ, УРКІЛИЧИРТИ ХІЕГЪ УМЪАХЪУСИ БИАЛЛИ ЗИКР (АЛЛАГЪ ГЪАНИРКАХЪНИ) САБИ

СИЯХ

УЧИАННИЧИЛ ИХТИЛАТ

Секъяйда хIурматбируси кабизалаагарси нешла?

ХIурматла "Ас-салам" газетала редакция. Дила уркіличиб челукуси дебали мягнничеси ва къакъаиклахъуси масъала леб, сабира нуни арзили бекIбарес хIейруси. Лебтанилра балуси саби Исламлизир неш халаси дурхъадеш риъниличила. Лебтанилра балуси саби алжана нушала нешанала къашмауб биъниличила. Лебтанилра балуси саби нешла хIурмат бирутас сецад гIяхIдешуни дирутил. Нушаб жанра гIямрура гибти неш-дудешла хIурмат хIебарни багъандан Къиямала бархIи сегъунти гIязабти чедаэс дирехIелра нушани балуси саби. Нунира лерилра илди аргъибти сари ва далути сари. Амма ну дебали къиянти аги-къяйдализи викилра, секъяйда хIурматбируси дила гымидулхъуси нешла? Илини нушала хъалибаргъун ахIенну, цархIил хъалибаргIелара къисмат буун (сунела бусъягIятла заманала мура), сенкIун дила дудешлизир шерир лералли илини цархIил мурул адамличилра магъар дихъахъиб. Илини нушара нушала дудешра цахдарира, ил пикрихIерухъун нуша гIурра секъяйда хIердирутирал, секъяйда адамтала хIулбази хIердикIутирал. Илгъуна цахдешла дамкъаличил севан хIеризес вируси? Дила неш динничир рирхуси ахIен, илини дехIибала хIедире. Дудешли нушаб илизи гъайдикIахъес ва иличил бархбасуни дузахъес къадагъабарили сай. Се бирусира нуни? Секъяйда дигахъес вирусира илгъуна неш? Илгъуна нешличил бархбасуни дузахъес шаригIят хIясибли ихтияр лебсив?



ШаригIятли се маслигIятбирули?

ХIурматла редакция. Наб челукуси секIайчила, гъатира бархъли бирар наб насихIят бурили дигулра асли. Дила дудеш держличил мусалаткайубли сай. Держличилти авара тамандара или ихтилатбарасли, нушала ургабси гъибанди чIумати къалмакъарличил таманбирули саби. ШаригIятли держ пайдаладирахъес къадагъабирули саби или бурасли, ил викIули сай суненира иличила балулра, амма гIурра ужес даимирули сай. ХIилхIи тIашизур ил Рабазан базлизив. Баз кабикиб ва ил сагали ужес вехIкайхъиб, я тIашизес пикри лебсигъуна ахIен. Нуни гъанна илис се бирусил балули ахIенра. Бурибси иргъули ахIен, я сай пикриулхъули ахIен. Нешли бурули сари, дила урши, хIед общежитиелизи арукъядри къулайсири или. Ну бегIтала левал левси ца урши сайра, нешра ил держлукъла мякълар сарицун ратес асукIебирар. Набра хъулилад дуракавхъи сай бикIахъес хIейгулра. ШаригIятли илдигъунти аги-къяйдализи викибси адамлис се маслигIятбирулира? Се барес вируса нуни дудешла хIурмат бирули калес багъандан?

Ш.Р., Къизлар шагъар.

Иличивад чевверхес вирусив?

Нушала нешли нуша дархъдалтухIели ну хIябал дус виублири, дила узи – кIел дус. ИтхIели ил дила дудешла юртлизив хIерируси ца студентличил рарх нушачирад ребшибсири. Дудеш сагали хъайчикайиб. Амма дудешла шайзирадси дила хала нешли узилчира набчира гъими чекабуциб. Ил сунела уршила хъалибаргIичил рарх хIеррирусире. Ил нушаб дудешла узи сайри. Дудешла узилара сунела хIябал дурхIя лебри. Биалра, илини нушара сунечи ардукира. Хала неш рухънараилри ва декIли зягIиприкиб. Нушала неш хъулирад ребшибхIели, хала неш вьшрухъес рирули ахIенри. КIел дус дикили гIергъи хала нешра ребкиб. Бахъли маслигIятбирулри нуша дурхIнала юртлизи дедахъес. Амма дудешла узилра хъунул Зайнаб ил барес къабулхIерикиб. Илини нуша кIапIдурцутири ва язихъдирули рисусири: "Чиналра бедхIелугас, дила дурхIначил барх хIеркабирис". Нуша иличи неш или дугъадилзутири. Ил хъунул адамли нушази цайналра ахъли гъайхIеиб ва нушала уркіли буунси анцIбукъ хIебиуб, вайтIа хIерризурлилра гъанхIебиркур. Дудешла узини тIама ахъбурцути анцIбукъуни дири, сенкIун илра нушала нешла баркъудиличи гымукIилри, амма илра Зайнабли паргъатирусире ва дурхIначиб сегъуналра гIяйиб агара рикIусире. Ил мурталра нушала шайчир рирусире. Илини палтар булан сунела дурхIнасичир нушаб гъалар исули рири. Зайнабли сунела дурхIначил дарх нушара дулгахъес ва дехIибулта диркъахъес бурсидарира. Наб гъаннара гъанбиркур, секъяйдали диштIахIели илини дехIибала дирахъес бурсидирули калунрал. Зайнабли итхIели нушаб копилкаби асибтири ва чили гъалар (заманаличир) дехIибала дараллира, илис арц лугусири копилкализи кадихъахъес. Зайнаб нешли нушаб дахъал гIяхIдешуни дариб, лерилра ишар гъандушесра хIейрар. Дила виштIал узи зягIипикибхIели, ил нуша хъулир датурли, чумилра дуги-хIери илис къуллукъбирули, больницализир дугелира кавлусири. Дусми ардякъун. Гъанна ну 15 дус виублира, узи – 14. Зайнабли нуша гъаннара сунела дурхIназирад деклардирули ахIенра, амма гъаларван "духукариубси" нушала неш дурарикиб, ил муруй жявлил лайракили руили сари. Илала гIямруличила наб ишаб тIинтIли буресра дигули ахIенра. ГIергъити кIел дус илини хиджаб бихули сари, дехIибулта риркъули сари, дубруцули са-



ри. Ил сунела гъамтачил июнь базличир нушачи ракиб ва Зайнаблизира нушала дудешла узизира бахъли гъайбикIули калун. Зайнабли нуша жидарира ва ил хъунул адам чераахъили, иш хIушала неш сари или буриб. Нушала неш сарра рикIуси рисикарииб, илис нуша кIапIдуцес дигулри, амма я узи я ну илизи кIапIдуцахъес къабулхIедикира. БархIехъ Зайнабли нушази буриб хIушала неш бетаурсиличи дебали пашманриубли сари, хIушази сунечирад чердерхахъес тиладирикIули сари или. Илис нушачил рарх хIерриэс дигули руили сари. ГIергъити дусмазир ил рарсирубли руили сари: илала квартира леб ва нушала шагъарлизибси квартиралис барсбарес дигули сари. Илала мирхъи лерли сари. ХIяйвантала фермализиб пай лебли саби. Вачар-чакар дузахъули руили сари ва яшавлизир гъаларяхI аррякки руили сари. Нушани багъахъурра – узинира нунира – илизибад селра тIалабдирули ахIенра или ва ил нушала неш ахIен или чIумали кадизурра. Ил нушаб гъанриркули ахIен или бурира. Зайнаблира нушази иличирад чердерхахъес тиладибариб, амма нуша къабулдикес хIедидубра. Нуша иличил дарх хIердиэсра хIякъахIе.

Марлирагу илгъуна нешличивадра чевурхусив? Аллагъ багъандан иличи чарулхъусив? Нушани ил барес дирули ахIенра. Аргъес ахъри биули ахIен.

С.Д. ва З.Д. Къизилюрт шагъар

Нешли хиджаб бихахъес ралтули ахIенра

АхIерси редакция. Ну студентка сарра, вузла хIябъибил курслизир ричулра. Байхъала дус рибублира дехIибулти дирес рехIрихъили. КIана бихулра, хиджабра тIалаббарилра. Адамтара бурули саби набчи хиджаб ункъли балбикили саби или. Рурсба сен хиджаб бихусил хIебураллира аргъеси саби. Неш биалли набзи бусурмантаци хаста палтар дихахъес къабулриркули ахIен. Дила мякълар илди палтарличил рашес хIед цахли ахIену, рикIули сари. Илини сари ишхIелла заманала гъаларяхI аррякъунси хъунул адамлизи халрирули сари. "Ну гъаргси бекIличил рашулра, хIу биалли начиличи мешурикес ралризурлири. Дати дуркъа авара," – рикIули сари ил набзи. Ну илизи рикIулра, наб хIу багъанданра цахбилзули саби. ХIукIун 44 дус риубси хъунул адам сарри, амма райхъугъаргли рашулри, хIечи жагъилти булан хIербикIули саби, рикIулра ну илизи. Иличи хIербикIулицун ахIенну, иличил аварали биркъес дигули биъни булан иргъахъули саби. Наб гъарли-марли цахбилзули саби дила неш илгъуна риъни багъандан. АсукIебирар къалли 44 дусла гIямруличир 24 дусла гIямруличирсиван вьшрикIес. КъантIа хIевни челгъули сари, майкаличил дурарулхъули сари, мурул адамтанигъунти шалбурти челгъули сари. Нуни илдала хIекълизиб гъанбушибхIели, нешли набчил къалмакъар булан дариб. "ХIела набчил илкъяйда гъайрикIес ихтияр агара! – рикIули сари. – Наб гIякълума ругъес гIянидеш агара, дила мурул лев, илис асубирар наб се-биалра къадагъабирес, хIу биалли лехIахъили руэн. ХIела исламлизибра бурилигу илкъяйда или." Саби. Илини сарира бусурманнизи халрирули сари "нушала дин" рикIули. Сунени биалли набзи хиджаб бихахъ-

ес къадагъабирули сари. Се бариша нуни? БегIтаци къаршили дурарухъес асубирули ахIен.

Дила неш чебъахIси даражала багъуди касибси тухтур сари, акIни хIясибли бусурман сари. Амма ил багъандан наб адамтала гъалаб цахбилзули саби. Се бирусилра балули ахIенра. Дудешлисра авара агара неш сели риркъулил, ил сунела хIянчилизи вархили сай." Илди хIушала къалмакъарлизи ну гъудурмайраба" или кайзурли сай. Дудешли набзира малхIямли иб: "Белики, дила рурси, хIед хиджаб хIебихадлира гIямал бетас? Шкопализиб бираргу ца белгиси журала палтар дихахъес тIалаббируси. Нешличил къалмакъарли мариркъуд, илгъуна сабаб хъулчилизи буцили."

Бураягу, наб илдигъунти бегIтачил секъяйда вьшрикIасли къулайсил.

Зуля, МяхIячкъала шагъар.



ДУНЪЯЛА МИЖИТУНИ

Самаркандла мижитуни

Ишдус ЮНЕСКО-ла сипталичил лебилра дунъяла жамигъятли Самарканд 2750 дус биънила байрам дурабуркълули саби. Ил мягъничебси анцъбукълис багъишладарибти халкъани-ургартисимпозиумтира шадлихъунира Узбекистайзирцун ахлен детурхути. Илди Парижлизирра дунъяла цархилти халати шагъуртазирра дурадуркълули сари.

Самарканд жявхейчибад Востокла маржантазибад цализи халбируси саби. Илизир жявхейла бурибти устнала пагъмули аклахъубти

пергер памятникуни лер, илдани ишбархъира адамти тамашахъйранбирахъули саби. Илди нушачира даили сари, чеалкълути наслубачира диур, сенкълун илди къуллукълули ва къайгъили алавдуцили сари, мяхкамли дихълули сари, илдачи халкъли пахрубирули саби. Самаркандлис цацабехъити "Востокла Рим" булан бикълули саби. "Культурабала хъябкъяй" бикълутира къаршибиркули саби. Илдани буруси бархъсира саби. Жявхейла шагъарлис дурути чумилра журала гапла эпитетуни гъандушес вирар. Ил шагъарличилацад хабурти тинтдиубси шагъар дунъяличиб глур хлебургар. Сецад айтуби лерал илчил дархдасунти!

Валкла Тимурла замана Самаркандлис Ванзала Ухуси Зубари бикълутири. Чевяхъси халавегилли ил шагъарлис селра мяштбируси ахленри, ил анхъличи шурбухъахъунсири, итхъли

ли ил дунъяличиб бегълара жагаси ва халаси шагъарли бирусири.

Самарканд – Римличил барх акълубси шагъар саби. Археологунани дурадуркибти бегъла глургъити хълумцлабани марбирули саби шагъар гъанналис 2750-2800 дус гъалабра лебли биънилис. Илис бикъридеш дирути культурала памятникуни даргибтири Узбекиста-Францияла экспедицияли дурадуркибти археологияла шайчирти хълумцлабала замана. Илди хаслира имцали лерли урдухъун бахъхъила Маракандала алавси лацла-барула хълулилизир. Нушала манзиллис гъаларти VIII-VII ибти даршдусмала тлалхъяна ва цархилти секлал-бикъруми даргибтири.

Гъанналис азир дуслицир имцали гъалар дарибти белкланазиб Индийский океаннис Самаркандла океан бикълули саби. Инд хлъркълис биалли Самарканд хлъркъл бикълули саби. Хибил даршдуслизив хлерирули калунси историк Бузург ибн Шахриярли "Индияла тамашаби" бикълуси сунела жузлизиб лукълули сай, гъарабунала урхъначибад башути архълйликъянабани Индияла океаннис Самаркандла океан ирусири или.

Самарканд даршдусмазиб Исламла культурала халаси центр саблинра машгъурбиубсири. Илизиб хлърбирули ва бузули калунтири машгъурси имам Ал-Бухари, имам Абу Мансур Ал-Матуриди. Ал-Бухарила "Ал-жамигъла ас-Сахих" бикълуси машгъурси жуз лебилра дунъяла бусурмантани Къуръаннис гъалабадси кълви-



бил дурхъаси жузлизиб халбируси саби. Самаркандлизирти культурала ва гълмула памятникунала халаси къадри хисаблизиб касили, ЮНЕСКОли Самарканд лебилра дунъяла къадрила памятниклизиб халбарибси саби. Самаркандли Исламла архитектураличи бу-рес агарли халаси асар бариб-

си саби. Самаркандла мякълар сари жяв заманаличирад лебилра дунъяличи далути Хива, Бухара, Карши ва цархилти шагъуртира. Лебилра дунъяличи машгъурти сари Самаркандлизирти Биби-Ханумла мижит, Тимуридуни хълрибихъибси мовзолей Гур-Эмир, мадраса Тилля-Кари.

МУСЛИМАТ

Мура гъаларти хъуна чеблуми

Хъунуй мура гъалар халати жавабкардеш дихути сари ва иличир халати чеблуми лерти сари:

◆ Хъунул хъалицилизир муруйс таманни мутигъли ризс чебиркур. Хъунуй гъамхлерибси муруй, цархил хъунул адамличил вархикили, хължардешла баркъуди дураберкъллира, бунагъ хъунуйс саби биуси, сенкълун гълйиб иличиб саби.

◆ Илис мурул вигъахъес чебиркур ва иличил мурутлар малхълмли рирес гълйибиркур,

ил къабулли калахъес риубси бирес илала чебла саби.

◆ Умудешличи чекаризес ва шаригълти кадизахъурти тъляр-къяйда дузахъес чебиркур. Амма жагаризс къасличил нудбазирти гъез лутес яра мурул адамла палтар дихес асухлебар.

◆ Муруйзи хълрхлебаили, илала хълулибад се-биалра кайсес ва буртлес асухлебар. Ил баралли, илис бунагъ биур, муруйс биалли хъунуй бутълбсила къадарла керу биур. Ил секлал чебетуиси саби бедибсила къиматличи ва къадарличи. Амма камси секлал (къяжа, зе, пирхикл ва цархилти) дуртлес асубируси саби ва илхели муруйс-

ра хъунуйсра керу биуси саби.

◆ Хъалицилала хълнчи иличи хълрдиркути сари: хурег бирни, къацл буцни, палтар ицни ва ибни, сунела муруйсра дурхълнасра.

◆ Муруйзибад пурбан агарли суннатла дуббуцури дурцес асубируси ахлен.

◆ Муруйзибад илини бедес вирусилчиб имцласи тлалабирес асубируси ахлен. Илини къаршидеш дирес чебиркур муруй хълрамси гълйичил сархибси лебдеш хълули лебхлилис.

Идбагли ﷺ иб: "Муруйзибад илини бедес вирусилчиб халаси лебдеш тлалабируси хълунул адамлис ну икъалахълйрус".



СУНЕС ДУХЪЯНТИ ГЯМРУРА ЭРКИНСИ БЕКИАХЪУДИРА ДИГУСИЛИ БЕГТАЛА ХИУРМАТ БИРАБ ВА ИЛДАС ГЯХИДЕШУНИ ДИРАБ

ХИЯТИХ

СУАЛАТАС-ЖАВАБТИ

Сегъуна анцбукълизиб асубируси бегтаци лехлейес?

– Бегтаци лехлихъес ва илдала хIурматбирес чебиркур илди динничи хIебирхути биаллира. Бегтаци кършили дурвхъес асубируси саби илдани хIушазибад тIалаббириу си шаригIятла кьанунтаци кършиси биубси анцбукълизибцун. Амма бегтацил ургала хIебуэс багъандан имканси бирес чебиркур.

Сегъунти дехлибулти дархдирхъес асубируси ва илди секъяйда дархдирхъути?

– Дехлибулти дархдирхъес вирар архIяличивси замана. Дархдирхъес асубируси саби хIерейсла дехлибала хIери гIергъи дирутачил ва бархIехъла дугела дехлибайчил. Масала, хIери гIергъи дирутаци дехлибала хIерейс дирутачил дарх дирутаци сари яра иличи ургIебли хIерейс дирутаци дехлибала хIери гIергъи дирутачил дархдирхъути сари. Илдигъунти шуртIри сари бархIехъла ва дугела дехлибала дархдирхънала шайчирра.

Дехлибулти дархдирхъути архIябала шуртIри ишдигъунти сари дирутаци:

1. АрхIяла ца шайчибхI гъарахъдеш 83 километрличиб камси биэс асубируси ахIен;

2. АрхIя асубируси журала биэс гIягIниси саби, цархIилван буралли, ил архIяла мурад шаригIятли асудирахъутазибадси биэс чебиркур;

3. Белгиси мурадличил гъаланачибал вягIдалабиубси мерличи дурабуркIуси архIя биалли;

4. ВегI хIерируси мерличивад гъарахъикес чевкъули биалли.

Адамлис хIери гIергъи дирутаци дехлибала хIерейс дарес ва дугела дехлибала бархIехъла дехлибайчил дарх дарес дигули виалли, илхIели чедир гъандушибтачил дарх гIурра хIябал шартI тамандарес чебиркур:

1. Гъала-гъала цаибти дехлибала дирутаци сари, хIери гIергъи дирутаци хIерейс дарес къасбарихIели, хIерела дехлибала гъалар дирутаци сари. Илкъяйда бархIехъла ва дугела дехлибалара;

2. Ният цаибти дехлибала дарили тамандиайчи бируси саби, гъатIира гIяхIси саби кIиэсти дехлибала дарес ниятра цаибти дехлибала дарес бируси ниятличил бархIяхъялли;

3. Дархдирхъути кIидехIелра дехлибала дарх дирутаци сари, суннатла дехлибала ургар хIедарили яра ихтилатлизи гъудурхIейубли. Амма асубируси саби къамат баресра (дехлибала дарахъес жи).

Эгер адамлис дехлибала гIелайзи ардухъес дигули виалли, хIерела хIери гIергъи дирутачил яра бархIехъла дугели дирутачил дархдирхъес дигули виалли, илхIели ишгъуна шартI тамандарес чебиркур: дехлибала гIелайзи ардухъес ният хIерела яра бархIехъла дехлибала дируси замана таманбиайчи бируси саби. Амма илхIелира хIерела дехлибала дарили гIергъи хIери гIергъи дирутаци дехлибала даресцад замана калахъес чебси саби.

Амма хIери гIергъи дирутаци дехлибала дируси замана сабаэс гъалаб хIерела дехлибала дарес баари замана кали хIебиалли яра хIери гIергъи дирутаци дехлиба замана сабаалли, илди кIелра анцбукълизиб илди дехлибала дарес ният хIебарили левал виалли, ил адамлис бунагъ биуси саби, ил багъандан илди дехлибала черахъес чебси саби. Гелар калунти кIелра шартI маслигIятдирутази халдирутаци сари.

БекIибси хIяйва бала яра гъез (масала, къя) нажастIи дирутив?

– БекIибси мицирагла бала ва гъез нажастази халдирутаци сари, сенкIун бялихъунира цIурцIбира ахIенти лерилра мицираг дебкIибхIели нажастIи детарутаци сари.

ХIяжатханализивси замана гъайикIес асубирусив?

– ХIяжатханализив гъайикIахъес маслигIятбириу си

ахIен, илкъяйдали лайикъли хIебирар илав алавчарли хIерикIнира, хIяжатдеш ахIили гIергъи имцIаси замана илав кавлесра гIягIнидеш лебси ахIен. ХIяжатханализив селичил-биалра хIязта виркъесра асухIебирар.

Исламла тIалабуни хIедузахъули калунси адам вебкIили гIергъи, илини васиятбарили хIейаллира, илис къадин чини-биалра хIяж барес асубирусив?

– Имкан лебси гъарил бусурман адамличи чебси саби гIямулизиб гъачамалра хIяж барес, ил – Исламла шелра хIулчилизибад ца саби. Бусурман адамличи халируси сай Ислам уркили къабулбарисси ва шагъадатла кIелра бутIа ахIибси ва илдала мягIна аргъибси адам. ХIяж – Исламла шуибил хIулчи саби. Ил таманбирни дурбурцилизибад, дехлибала дирнилизибад яра закят бедлугнилизибад дигахъуси ахIен. Адамли Исламла тIалабуни дузахънилизибад яра илини сунес къадин хIяж барахъес васият барнилизибад дигахъуси ахIен. Адам бусурман виалри ва илала хIяж барес ахъри лебси биалри сай мицирли левалхIели, ил вебкIили гIергъи хIяж барес даари харжани гIелар датурли виалли, илис къадин хIяж барес сеналра чебси саби. Ил барес илала букъурли яра цархIил чини-биалра. Эгер илини хIяж барес баарицад напакъа гIелаб батурли хIейаллира, илис къадин хIяж барахъес маслигIятбириу си саби.

Дехлибала дируси замана къакъ гъаргбиалли дехлибала дулъутив?

– Дехлиба шуртIразибад ца саби гIяврат кIапIли биъни. Мурул адамтала гIяврат – къяда канилара къукъубалара ургабси мер саби. Ил багъандан къяда канила даражаличиб гIяшли къакъ гъаргли биалли, дехлибала детарутаци ахIен. Амма дехлибала дируси замана гIяврат дягIли гъаргбиахъубли биалли, амма ил итмадан кIапIбарили биалли, дехлибала дулъути ахIен. Ванзаличи къукъумусикили сужда бируси замана къяда канила даражаличиб гIяшси къакъ гъаргбиалли ва ил итмадан кIапIбарили биалли, дехлибала дулъути ахIен.

Хъунул адамтала биалли ряхIра някъбира (хъат ва къакъ някъби) ахIенти, лебилра къркъала гIявратлизи халбириу си саби.



ХАБАР

ХIябал рурси



Гинизла бекIичиб хIябал хъунул адам цалабикIлри ва чула рурсбачила ихтилатбикIулри. Илдацирад гъарахъли ахIи ца рухъна хъунул адамли, къасиличи карили, бамсриихъулри. Хъунул адамтазирад цали сунела рурсили челгъути жагати палтар гапдирулри. ЦархIилли сунела рурсила духудешличила хабар бурулри. ХIябйибилли сунела рурсила жагати тIама гапбирулри. Авъибил хъунул адам илдани дирутачи лехIахIилри.

Хъунул адамтани чула тIалхIяна шинни дициб ва гинизличибад гъарахъбикиб. Илдала мер хIябал рурсили буциб. Цаличир жагати палтар сарри, цархIилли сунела жагадешличил пикри битIикIулри. Цала някъбазир чумал жуэра лерри, ил рурсили жагати макъамличил далай бучIулри. Авъибил рурсила я жагати палтар аги, я ил через декларулхъули ахIенри. Илизир пагъмуртира лерлигъунти ахIенри. Гъарахълабад илдаци нешани хIербикIулри ва чула рурсбачи пахрубирулри. Рурсбазирад авъибил хъунул адамтани гъамриуи ва салам бедиб. ГIур илини сунела нешлизибад шинни бицибси къянари сунези сасиб. Илра гIелахъили, хъулирхI ратрихъиб.

Хъунул адамтани рухънази хъарбиулри:

- Нушала рурсбазирад хIед чиди имцIали гIяхIрилзули или. Рухъна рикIар:

- Нуни хIушала рурсби чебиули ахIенра. Нуни ца рурси сарри чераибси, ит баягъи, сунела нешлизибад къянари сасили, хъули аррякъунси.

РУЗНАМА

ФЕВРАЛЬ

ЧИСЛО	Утренний	Обеденный	Послеобеденный	Вечерний	Ночной
1	5.23	12.00	14.39	17.04	18.30
5	5.20	12.00	14.44	17.10	18.36
10	5.13	12.00	14.48	17.15	18.41
15	5.07	12.00	14.52	17.22	18.48
20	5.03	12.00	14.58	17.28	18.52
25	4.54	12.00	15.03	17.35	19.00

Учредитель
Благотворительный фонд "Путь".
Газета печатается по согласованию и одобрению Духовного управления мусульман Дагестана

Редакционный Совет
Ахмад-хаджи АБДУЛАЕВ
Магди-хаджи МУТАИЛОВ

Главный редактор
Эльмира ИБРАГИМОВА

Редактор
Патимат ВАГИДОВА

Верстка
Ахмед МАГОМЕДОВ

Набор
Тавсултан САГИДОВ

Менеджер
Абдулхамид ГАДЖИЕВ

Газета зарегистрирована
Управлением Федеральной службы по надзору за соблюдением законодательства в сфере массовых коммуникаций и охране культурного

наследия по ЮФО (г. Ростов-на-Дону) –
свидетельство о регистрации
ПИ № ФС 10-6401 от 15 декабря 2006 г.
Индекс 51325
При перепечатке ссылка обязательна
Газета набрана и сверстана
на компьютерной базе «Ас-салам»
Отпечатана в ООО «Дом печати»
пр. Акушинского, 20

Заказ № _____
Сдано в печать 31.01.2008
Тираж 3700 экз.

Адрес редакции:
367015 РД, г. Махачкала,
ул. М. Ярагского, 128
Телефон: (8722) 61-00-64
E-mail: info@assalam.ru
web: www.assalam.ru